


Nā Nīnau Ho'ono'ono'o

He mau nīnau ho'owala'au a hō'eu i ka hana pili i nā wikiō Kumukahi



Kumuhana: **LĀNA'I**

Mokuna: Pae 'āina

Māhele: Ka Honua

Hoa hele: Keola Akana

Kama'āina: Sol Kaho'ohalahala

Paena: http://www.kumukahi.org/units/ka_honua/paeaina/lanai

Nā nīnau kiko'i

1. Aia i hea 'o Lāna'i?
2. 'O wai nā mokupuni i 'ike 'ia ke kū 'oe ma Lāna'i?
3. Mai ka wēkiu o ka mokupuni, 'o Lāna'ihale ho'i, 'ike 'ia 'elima mokupuni. He aha ka waiwai o ka 'ike 'ana i kekahi mau mokupuni?
4. Ma Lāna'i, puana 'ia ka inoa o ka "pua" kūhelu o ia mokupuni penei: "kauno'a." Ma nā wahi 'ē a'e, puana 'ia penei: "kauna'oa." No ke aha e 'oko'a ai ka puana 'ia 'ana o kekahi mau hua'ōlelo mai kahi mokupuni i kahi mokupuni aku?
5. Inā kipa 'oe i kekahi mokupuni a lohe i kekahi hua'ōlelo i puana 'oko'a 'ia, he aha kāu hana? E puana aku nō e like me kā lākou, a i 'ole paha, e ho'opololei aku i ka hemahema? No ke aha?
6. Ua oli mai 'o 'Anakala Sol ma mua o ka wehewehe no nā wahi pana o Lāna'i. Ma waho aku o ke oli, pehea e hō'ike ai i ka hō'ihi no kou 'āina aloha?

Nā nīnau laulā

- He aha nā ha'awina o kēia wikiō e pili ana i ka 'ike Hawai'i a me kona mau pono no kēia au e ne'e nei?
- Pehea e pili ai ia wikiō i kekahi mau hi'ohi'ona o ka mo'omeheu Hawai'i āu i a'o ai a i 'ike ai paha?
- Pehea kākou e ho'omau ai i kēia mau hana ku'una Hawai'i i kēia mua aku?